

Radionica 6 — Feedback i rezime

Datum: 6. jun 2026. **Tema:** Git iz terminala deo 2 — Branch + Pull Request (timski tok) **Trajanje:** 2h

Velika ideja

Do danas je svako radio sam na svom repou. Danas smo prvi put svi radili na ISTOM kodu — bez gaženja jedni drugima.

Naučili smo kako pravi timovi rade: svako napravi **svoju kopiju (branch)**, uradi izmjenu, i pošalje **molbu (Pull Request)** da njegov rad uđe u zajedničku verziju — a neko to **pregleda (review)** prije nego odobri. Tačno ovako rade Google, Microsoft i sve ozbiljne dev ekipe. 🚀


Dvije najvažnije riječi dana

Riječ	Šta znači "ljudski"
branch	moja kopija koda gdje radim bez diranja originala
main	zvanična, glavna verzija koju svi vide
Pull Request (PR)	molba da se moj branch ubaci u <code>main</code> + provjera
review	neko pregleda kod prije nego uđe
merge	spoji odobreni branch u <code>main</code>

Analogija koju smo ponovili: *zajednički Word dokument*. Bojiš se da pokvariš original → napraviš kopiju, radiš na njoj. Dobro ispadne → vratiš u original. Loše → obrišeš, original netaknut. Branch = ta kopija.

Cijela priča u jednoj liniji

`pull` (uzmi najnovije) → `checkout -b` (napravi svoju kopiju) → radi → `push` (pošalji kopiju) → **PR** → review → **merge** u `main`.



Komande dana (timski tok)

```
git pull                # 0) uvijek prvo povuci najnovije
git checkout -b ime-prezime # 1) napravi SVOJ branch i prebaci se
# (uradi izmjenu u fajlu)
git add .               # 2) spakuj
git commit -m "Opis sta sam uradio" # snimi
git push -u origin ime-prezime # 3) pošalji branch (SAMO prvi put sa -u)
# svaki sljedeći put za isti branch: samo git push
```

Pa na GitHubu: **"Compare & pull request"** → naslov + opis → **Create pull request**. Instruktor: **Files changed** → **Review** → **Approve** → **Merge**. 

Korisno za snalaženje: `git branch` (zvjezdica = gdje sam), `git checkout main` (vрати se na main).

★ WOW trenutak

Merge PR-a uživo na projektoru. Branch koji je učenik napravio prije 10 minuta upravo je ušao u `main` zajedničkog repoa.

"To što je sad u `main` — to je tvoj kod, koji je prošao provjeru i ušao u zajednički projekat. Tačno ovako rade prave dev ekipe."

Najčešće greške (i rješenja)

- `push` branch odbijen / traži pristup → nisi dodan kao collaborator ili nisi prihvatio pozivnicu (mejl/Notifications). Provjera: `gh auth status`.
- "no upstream branch" → prvi put treba `git push -u origin ime-prezime`, ne samo `git push`.
- Greškom radim na `main` → zaboravljen `git checkout -b`. Provjera `git branch`; spas: `git checkout -b ime-prezime` pa commit/push.
- PR u pogrešnom smjeru → mora biti base: `main` ← compare: `ime-prezime`.
- Branch ime sa razmacima / ćirilicom / velikim slovima → koristi `ime-prezime` (mala slova, crtice).

🎉 Šta slijedi (timski projekat — R8)

Postavili smo pravila timskog rada: - Tim lider pravi timski repo (Public, sa README), doda **instruktora** i članove kao collaboratore. - **Settings** → **Branches** → **branch protection** za `main`: *Require a pull request + Require approvals (1)*. - **Pravilo od R8**: niko ne kuca direktno u `main`. Svako radi na svom branchu, otvara PR, instruktor pregleda i merge-uje. Tako je `main` uvijek ispravan.

🏠 Domaći

- Pošalji **link svog mergeanog PR-a** u grupu tima.
- Otvori PR nekog drugog na demo repou i pogledaj **Files changed** — "*vidite tuđu izmjenu i da je prošla review.*"

Danas ste otvorili i mergeali svoj prvi pravi Pull Request. Spremni ste za timski projekat. Vidimo se! 🚀